
6 KOMANDE

U ovom poglavlju opisane su komande koje koristimo u segmentu COBISS/Pozajmica. Za svaku komandu data je sintaksa i način unosa, a uz neke također i skraćenice. Navedeno je također u kojem dijelu programa možemo komandu upotrebljavati.

Sintaksa komandi određuje pravilan oblik unosa komande, a u priručniku je data u kurzivu. Većinu komandi možemo izvršiti također i tipkama na pomoćnom dijelu tastature (komandne tipke), i to pritiskom na jednu tipku ili pritiskom na dvije tipke zaredom. Komandne tipke koje zamjenjuju pojedinu komandu, navedene su iza komande.

Komande upisujemo u **komandni redak** na dnu ekrana uz riječ '*Komanda:*'. Neke komande izvede se automatski, a u pojedinim slučajevima potrebno ih je dopuniti još i komandnim zahtjevom. Taj zahtjev dopišemo komandi odn. tekstu koji se ispiše nakon potvrde komande tipkom **RETURN** ili nakon upotrebe komandnih tipki. U priručniku su uz komande koje dopunjujemo komandnim zahtjevima dati također načini unosa komande zajedno sa komandnim zahtjevom.

Primjer:

Komanda : *EDIT*
ili: *EDIT <upisni broj člana>*

komandne tipke: **PF1** **KP1**

U **okolini evidencije članova** i **pozajmice građe** prije upisa komande moramo pritisnuti komandne tipke **PF4** **KP7** ili tipku **DO** (za prijelaz u komandni redak), zato preporučujemo korištenje komandnih tipki.

U **okolini kataloga** možemo izvoditi sve postupke samo komandnim tipkama (upis komandi u komandni redak nije moguć).

Neke komande možemo skraćivati: umjesto punog oblika napišemo skraćenicu koja je navedena na početku pojedinih komandi. Komande možemo upisivati po želji: velikim ili

malim slovima. Nakon potvrde pojedinih komandi u **komandnom retku** ispiše se pitanje na koje odgovorimo potvrdom potvrdnog ili odrečnog odgovora (☐ ili ☐ – da/yes, ☐ – ne/not).

Svi primjeri korisničkih upisa podataka i komandi u priručniku su pisani kurzivom.

Primjer: Komanda : *SELECT <prezime i ime>*

Poruke se ispisuju u **retku za poruke**. Sve programske poruke i pitanja koja zahtijevaju odgovor korisnika, u priručniku su napisana pisaćom mašinom (ako nastupaju u tekstu za povezivanje, od teksta su odvojeni jednostrukim navodnikom).